


津田文庫
文庫 1
1521
44





麗體金膏卷七

拜颺集

唐



上文選注表

李善

為汝南公華州賀赦表

李商隱

為京兆公陝州賀南郊赦表

李商隱

宋

賀登極表

范致虛

賀登極表

許開

麗體金膏卷七目

010190608137

賀登極表

陳耆卿

賀聖節表

方岳

賀元會表

秦觀

賀皇帝御福寧殿表

李劉

賀車駕幸秘書省表

呂祖謙

賀車駕幸太學表

石忬

車駕親征起居表

汪藻

賀誅吳曦表

危昭德

代宣司賀復泗州表

應松湖

代宰相賀正旦雪表

洪适

賀雪表

呂祖謙

代宰相賀雪表

楊萬里

賀雪表

黃疇若

賀河清表

趙鼎臣

徐州賀河平表

蘇軾

賀獄空表

趙鼎臣

和議成賀表

岳飛

賀光堯皇帝遜位表

馮時行

正旦遙賀太上皇表

汪藻

賀太上皇壽七十表

孫養晦

重華宮會慶節賀表

周必大

會慶節賀壽皇表

陸游

車駕巡幸起居太上皇表

汪藻

重華宮上尊號賀皇帝表

許開

賀皇帝慶皇太后八十表

洪适

又

代進光宗御集表

王子俊

國史院進三朝正史帝紀表

洪邁

代進重修七司令表

王子俊

進大學衍義表

真德秀

乞校正陸贄奏議上進劄子

蘇軾

進兩制三館牡丹歌詩狀

晏殊

進先文定公文集表

胡寅

謝兼侍讀表

蘇軾

謝侍講兼脩國史表

洪邁

謝宣召入翰林狀

歐陽修

謝宣召入院表

真德秀

謝知制誥表

歐陽修

謝除中書舍人表

蘇轍

謝禮部尚書兼翰林院學士表

周必大

謝除禮部侍郎兼直院兼侍讀表

真德秀

密州謝上表

蘇軾

湖州謝上表

蘇軾

到黃州謝表

蘇軾

謝量移汝州表

蘇軾

到昌化軍謝表

蘇軾

謝南郊恩加封表

汪蒸

謝賜御草書趙嘏南亭詩表

王禹偁

謝賜御書孟子表

范端臣

謝賜御書張九齡千秋金鑑錄故事表

真德秀

謝賜衣帶表

楊萬里

謝賜對衣金帶馬狀

蘇軾

又

蘇軾

謝賜對衣金帶鞍馬表

張守

謝賜銀合臘藥表

周必大

又

周必大

謝賜柑表

金使闕名

謝致仕表

歐陽修

亳州乞致仕第二表

歐陽修

亳州乞致仕第四表


歐陽修

乞常州居住表

蘇軾

全

駕六朝
之上



唐李善上文選註表

舊有俞犀月註按犀月名揚江南吳江人○舊唐書李善江都

人方雅清勁明慶中累補太子內率府錄事參軍崇賢館直學士兼沛王侍讀註文選六十卷表上之賜絹百二十四詔藏于秘閣除潞王府記室參軍轉秘書郎乾封中出為經城令坐與賀蘭敏之周密流姚州後遇赦得還以教授為業弟子多自遠而至又撰漢書辨惑三十卷載初元年卒新唐書李邕傳父善有雅行淹貫古今不能屬辭故人號書籠何曰李善文選學本於其師曹憲憲江都人隋秘書學士嘗著廣雅以昭明文選授同郡魏模公孫羅江夏李善於是其學大興見唐書儒林列傳

臣善言竊以道光九野

縟景

影緯以照臨

縟繁也景日月之景

德載八埏

延○俞曰淮南子八埏麗山川以錯峙峙屹垂

麗體金膏卷七

一

象之文斯著含章之義聿宜協人靈以取則墓化成

而自遠故義繩之前飛葛天之浩唱路史註葛音蓋

葛天氏之樂三人操牛尾投足以歌人闕媧簧之後世本女媧作簧揆問

聲女媧黃帝臣叢雲之奧詞俞曰尚書大傳舜將禪禹於是俊又

進稽首而和帝乃載歌于步驟分途俞曰史記註三

是八風循道卿雲叢藂王馳五皇步玉帝驟三星躔殊建球鐘愈暢球玉舞詠方滋楚國詞

人御蘭芬於絕代漢朝才子綜輦樂悅於遙年楊子

古之學者耕且養三年而通一經今之學者非獨為

之華藻也又從而繡其繁悅言用文飾於不必用之地虛元流正始之音虛元謂以無為宗老藏之屬正始魏曹芳年號時何晏譬談老

莊天下翕然宗之此正始與上篇正始之道著不同

衛玠別傳玠至武昌見王敦敦顧謂僚屬曰昔年輔

嗣吐金聲于中朝此子今復主振于江表微言氣質

之緒絕而復續不悟永嘉之中復聞正始之音馳建安之體沈約宋書子建仲宣以氣長離北度何

潘岳為賈謐贈陸機詩云婉婉長離凌江而翔長離

三誰浴爾陸生長離鳳也北度謂吳亡北度入洛騰雅詠於圭陰俞曰周禮大司徒以土圭之法測土

尺五寸夏至日立八尺之表其景正與土圭等謂之

地中測景於地故曰圭陰蓋洛陽為天地之中於日

景無盈縮處驗之言陸機之才名化龍東驚扇風

流於江左晉陽秋太安中童謠曰五馬浮渡江一馬

南頓彭城五王渡江而東後琅邪王即位是為中宗

煽揚也風流謂文物自元帝中興庾王陶謝輩出文

麗體金膏卷七

二

章獨盛 爰逮有梁宏材彌勅昭明太子業膺守器譽

貞問寢居肅成而講藝魏書文帝初在東宮集諸儒於肅成門內講論大議侃侃

無開博望以招賢漢武帝為太子據開博望苑以通賓客塞中葉之詞

林酌前修之筆海周巡綿嶠轎品盈尺之珍俞曰漢詩外傳

良玉度尺雖有十仞之士不能掩其光楚望長瀾搜徑寸之寶故撰斯

一集名曰文選後進英髦咸資準的伏惟陛下經緯

成德文思垂風則大居尊耀三辰之珠璧希聲應物

宣六代之雲英孰可撮壤崇山導涓宗海臣蓬衡最

品樗散陋姿汾河委筮策頌風非成誦技漢武帝過河東亡書十

王篋張安世記出不遺一字不曰河東而曰外河與

下崇山取對成偶耳成誦者頡悟人書過曰不忘如

口誦崇山墜簡未議澄心愈曰崇山亦嵩山義晉嵩

書兩行張華以問東哲哲曰此握玩斯文載移涼燠

漢明帝顯節陵策文驗之果然

有欣永日實昧通津故勉十舍之勞淮三十里為一舍

千里一日可通駕寄三餘之暇寄猶乘也魏畧華道

馬十舍旬必及之

肯教云當先讀書百遍而義自見從學者云苦竭無

日遇日以三餘冬者歲之餘兩者晴之餘

餘七鈞書部願言注緝合成六十卷殺青甫就殺青

炙青竹輕用上聞享帝自珍享獻也俞曰典論里語

而為簡則為敝帚獻之於人則緘石知謬緘名見應

自家珍惜如千金然不忍舍也

註敢有塵於廣內庶無遺於小說謹詣闕奉進伏願

馮慈曲垂照覽謹言顯慶三年九月日上表舊唐書高宗紀

顯慶七年正月改元為

方伯海曰按表者表白其事魏晉而上皆用散行
其四六駢體至六朝始有然亦分二種有指陳事
體者有陳謝慶賀者陳謝慶賀者陳謝慶賀者
覆而指陳事理亦多用散行以不如是則無以反
持原起正位處當切即駢體中亦要依類切題不
六朝所以夫之繁無由於似取富麗浮誇不實銘
誌碑碣按之木入多不相似處處可通故不是貴
此表見累朝體製不同宗匠各擅則昭明茲選誠
有字益藝林已之註選非徒勞翰墨矣其括各家處
品昭明處頌聖自謙處不落膚泛濃纖筆墨當遠

為汝南公華州賀

當脫南

赦表

舊唐書周煒傳

南人長慶二年擢進士第開成四年拜中
書舍人武宗即位出為華州刺史鎮國軍
潼關防禦等使後至大中時封汝南男新
書傳武宗即位疾改工部侍郎出為華
州刺史按舊書紀陳夷行傳開成五年七
月以檢校禮部尚書華州刺史召入復同
平章事則周墀代陳華州刺史召入復同
書武宗紀會昌元年正月王寅朔庚戌有
幸郊廟禮畢御丹鳳樓大赦改元新書紀
正月巳卯朝獻太清宮庚辰朝享太廟辛
巳有事於南郊大赦改元按太平御覽引
此作庚戌同舊書通鑑引此作辛巳同新
書新書紀事而不紀胡舊書正川王寅朔
二月乃又書壬寅今以本集祭文是年四
月辛丑朔舊紀兩十月又舊紀開成五年
十月舊紀誤

麗體金膏卷七

正月戊寅朔會昌二年正月丙申朔合而推之則舊紀二月壬寅不誤正月實誤當則一或癸酉朔其九日或庚辰或辛巳唐時郊天頗不專用辛日如大中元年正月舊紀戊申有事郊廟新紀俾甲寅要皆非辛也此兩表云卜上辛謂用典也

唐李商隱義山

臣某言伏奉正月九日制書南郊禮畢改元為某大

赦天下者王應麟玉海秦并諸侯曰大赦天下由漢以來或即位建儲改元立后皆有大赦遂

奉郊禮以定天位周禮大宗伯以禋祀祀昊天上帝周語精意以享曰禮漢書郊禮志北於南

新曆象以授人時書歷象日月星辰敬授人時

乾健離明震動兌悅象傳跛行喙息漢書匈奴傳跛行者喙息凡以口出氣者罔不慶幸臣某中賀臣聞

欽一作昊天而旅上帝者書欽若昊天周禮掌次大旅上帝注曰祭天于園邱

聖王一作之重事尊殊休而發大號者易渙汗其大號哲后

之洪猷故必致四圭以達誠周禮典瑞四圭有邸以祀天注曰夏正郊天也

制六器而申敬周禮大宗伯以玉作六器以禮天地四方將崇嚴配孝經

莫大于必在元旬禮記孟春之月天子乃以元日祈穀于上帝注曰謂以上辛郊祭天

也晉書郊祀歌歷元旬集首吉先之以蒼璧駢牲周禮

大宗伯以蒼璧禮天禮記郊特牲牲用駢尚赤也用犢貴誠也重之以雲門大呂周禮

大司樂乃奏黃鐘歌大然後王猶有關於薦敬禮記

呂舞雲門以祀天神也敬以欲爽彼告虔魏志高堂隆疏曰所以周官三

代之文周官即周禮三代之制絕而不續漢氏萬靈之

位史記封禪書公孫卿曰黃帝接萬靈明廷明廷者

壇十一月辛巳朔旦冬至昧爽天子始郊拜太一如

雍郊禮漢書郊祀志甘泉宮中為臺室畫天地泰一

諸鬼神而置祭具以致天神按此萬靈之位失而莫

似指秦時甘泉而祠祀極多備見郊祀志

尋豈若皇帝陛下以大道遂羣生以至公臨寶祚上

苞元象下物皇祇黜幽陟明興廢繼絕漢書武帝紀元封二年

靈芝甘露鄙之而不告史官漢書武帝紀元封二年

遠葉作芝房之歌宣帝紀元康元年甘露降未央宮

元康四年金芝九莖產函德殿銅池中神爵二年鳳

皇甘露降赤鴈白麟陋之而不編瑞牒漢書武帝紀

集京師幸東海獲赤雁作朱雁之歌元符元年行幸雍祀五

時獲白麟作白麟之歌班固兩都賦序武宣之世衆

庶說豫福應尤盛白麟赤雁芝房寶鼎之歌薦然後

於郊廟神爵五鳳甘露黃龍之瑞以為年紀然後

因孟月一作春非卜擇上辛禮記郊之用辛也周之始

十二月下辛卜率於國南禮記兆于南郊就陽位也

在國南式是歲首且天以陛下為子故必饗明誠人

以陛下為天故必流睿澤踰千越萬按即超越前古

郊祀志黃帝萬諸侯而邁五登三舊書司馬相如傳

神靈之封君七千非也邁五登三上咸五下登三

何則取

集作

直言之

漢書武帝紀

建元元年

詔舉

詳下

則聽輿論者不足算

左傳聽輿人之誦

設宥過之

令

書宥過無大刑故無小

則除鄉議者未可儔

左傳鄭人游于

然明

謂子產毀鄉校如何子產曰何為夫人朝夕退

而游焉以議執政之善否其所善者吾則行之其所

惡者吾則改之是吾

師也

若之何毀之

延賞推恩

書賞延于世校推恩是汎語非專用漢書

諸侯

王表武帝施之主

用以勸禦災捍患之士

禮記能禦大菑

則祀之

能捍

減租退責

漢書惠帝紀帝即位減田租復十五稅一退責即已責左

傳晉悼公即位施舍已責注

曰施恩

惠舍勞役止逋責

將以矜火耕水耨之人

漢書武帝紀語曰江南之地火耕水耨應劭曰燒草下水種稻草與稻並生高七八寸因悉芟去復下水

灌之

草死獨稻長

養庶老頌淖糜暖帛之資

禮記月令仲秋

所謂

火耕水耨

養庶老頌淖糜暖帛之資

禮記月令仲秋

上庠

養庶老於下庠漢書文帝紀吏稟當受鬻者師

古曰鬻

淖糜也

望祀

山川皆走往祈禱書望于山川周禮大宗伯以

血祭祭社稷五祀五嶽以狸沈祭山林川澤又按人

將事四海山川飾黃駒注曰殺駒以祈沈又肆

師大祀

用王帛牲物次祀用牲幣小祀用牲

觀者復觀古不聞者復聞萬蟄蘇而六幽盡開

禮記

曰蟄

蟲昭蘇餘

五刃藏而九土咸闢

齊語定三革隱

也

隱藏也三革甲冑盾也五刃刀劍矛戟

臣當時集

矢也魯語共工氏子曰后土能平九土

軍州官吏等

丁寧告示

漢書谷永傳以丁寧陛下

師古曰丁寧謂再三告示

麗體金膏卷七

七

也 況臣嘗備論思獲叨侍從兩都賦序武宣之世言

如虞邱壽王東方朔枚臯王褒當時仙禁慙視草以

劉向之屬朝夕論思日月獻納無能相如等視草乃遣舊書傳塤能為古文有史才

文宗重之歷集賢學士起居舍人此日泰壇望給薪

而靡及禮記祭法燔柴於泰壇祭天也月令季冬之

燎周禮委人以式法徘徊甸服跼踏闕城史託呂產

殿門弗得人徘徊往來詩謂天蓋雖有慶於文明竟

高不敢不局謂地蓋厚不致不踏司馬談

無階於奔走書武成祀于周廟邦甸侯衛駿

聞陪盛禮沒齒難忘史記自序是歲天子始建漢家

與從事故發蹟且幸 蕭望之願立本朝馳魂莫及漢書蕭望之

原太守雅意在本朝無任抃舞結戀之至

為京兆公陝州賀南郊赦表按此即上篇之

集代謝相國京兆公諸啟獻相國京兆公

啟皆為杜悰此亦當代悰而舊新傳無悰

出守陝州之事遠謂史文失此一遷其說

頗辯余初亦從之而疑之今而實知其謬

也通鑑會昌元年三月武宗將遣使誅楊

嗣復等戶部尚書杜悰奔馬見德裕是何

嘗有出外之蹟故舊書傳韋溫京兆人文

宗時為尚書左丞出為陝虢觀察使武宗

即位李德裕用事召拜吏部侍郎今據此

麗體金膏卷七

北公啟亦非杜也又按此題與獻相國京

尚書書法本目分別不細心考索易致相

混耳舊書志陝州屬河南道陝統觀察使

州治陝唐李商隱義山

臣某言臣伏奉正月九日制書郊禋禮畢改元為某

人赦天下者既事虞郊書舜典肆類于上帝禮記祭

復新堯歷天潢瀉潤史記天官書漢者金之散氣其

衡傳乘天潢之汎汎曰觀揚暉見為安普天率土罔

不慶幸臣某作賀臣聞君人之孝莫大於尊祖詩序

會祖也后稷生于姜嫄文武之王者之敬孰踰於事

天罔一作必用因高之儀禮記禮器為高必因邱陵

之上申嚴配之禮見上百神集有序萬靈昭集有乃

可尊殊恩渙大號禮成而德備惠敷而慶宏然而秦

尚武功戰國策齊仲連曰彼秦者先祈禳之事漢書

志秦并天下令祠官各以歲時奉祀唯雍四時上帝

為尊又曰祝官有秘祝即有災祥輒祝祠移過于下

故柴燎蕭薌未必饗禮記祭義燔燎膞蕭見以蕭光

蕭合漢稱文物左傳文物以紀之聲行以發之安漢

書紀贊云稱文物謂重神仙之道漢書紀文帝十五年

此也故下云重神仙重神仙之道漢書紀文帝十五年

五帝武帝元鼎五年立泰畤于甘泉天子親故妻門

郊見餘詳上篇武帝好神仙詳史記漢書九

麗體金膏卷七

太族未必和周禮大司樂圖鍾為宮黃鍾為角大族

上之圖邱奏之漢書禮樂志武帝定郊祀之禮乃立

樂府造為詩賦略論律呂以合八音之調作十九章

之歌以正月上辛用事其泉既不講於禮官終致譏

於儒者伏惟皇帝陛下與春生育竝日照臨究三代

之質交酌百王之損益定午位卜上辛潔齊之誠易

也者言萬物先掃除而遐達禮記至敬不費味而貴孝思之志

協氣具以升聞禮記至敬不費味而貴然後推作解

之恩易雷兩作解君降惟新之令書舊染汙俗設科

以招諫諍新書選舉志制舉有賢宥過以務哀矜書

帝哀矜庶戮之不辜已責既恤於三農周禮三農生九錄勲無

遺於十代左傳范宣子因叔向祁奚曰社稷頒粟帛

而養耆老漢書文帝紀有司請八十以上月賜米肉

走牲幣而徧山川見上舉皇王之廢官盡古今之能

事臣當時集軍州官吏丁寧告示訖況臣嘗奉恩光

叨居華顯當太史撰日之際周禮太史大祭祀與執

征賦時孟春之吉日兮撰良辰而猶立漢廷漢書陸

將行善日禮記注云撰猶擇也庭公卿間及宗伯相儀之時周禮六宗伯凡祀大神

之大已辭魏闕見僕陽陳情表按於開成五年昭悵

郡印漢書百官公卿表郡守秩二千石徘徊使車漢書

蕭有傳以三公使車載育人殿徒深傾慕之誠曹植

中受策餘互詳為終郡公啟徒深傾慕之誠表葵

羞之頃葉太陽雖不為之實積懸瓠英華注疑作

迴光然終向之者誠也實積懸瓠瓠校不必疑之

歎詩槐有苦葉傳曰匏謂之瓠論語註瓠瓠也瓠瓜

得如不食之物繫滯一處按古今注瓠有柄曰懸瓠

此則用論語以歎羈滯即他篇羨海槎不繫之意

召公邑內敢思棠樹以追蹤詩序甘棠美召公也箋

重煩勞百姓止舍小棠之下而聽斷焉尹喜宅中惟

國人思其人敬其樹餘見彭陽遺表尹喜宅中惟

望靈符之復出舊書紀天寶元年正月陳王府參軍

門之通衢告賜靈符在尹喜之故宅上遣使就函谷

故關尹喜臺西發得之地理志陝州靈寶縣本桃生

縣以掘得寶符改名 臣不勝慶幸踴躍之至

麗體金膏卷七

宋四六選

賀登極表

范致虛

帝出乎震夙膺主器之祥王次於春遂迓履端之慶
天人協應夷夏交權竊以受命之君莫大於創業垂
統繼體之主所貴於持盈守成念夫致王業之艱難
是知履帝位而中正爲人上若朽索之馭措天下如
泰山之安恭惟皇帝陛下承八聖之丕基檢千齡之
寶運聰明睿知得四海之權心恭儉孝慈副萬邦之
僉望故太上欣傳於聖祚而千官喜戴於堯仁進當

有大之符入纘無疆之烈乘乾之健金行適應於庚
申繼離之明火德遂迎於丙午契宋興之首歲當炎
運之昌期諒天心眷佑之有歸豈人事謳歌之無證
惟東宮之毓聖德十有一年宜南面而朝羣臣萬有
千歲臣叨陪邇列阻造天庭追懷昔玷於周行每瞻
天表自幸未先於朝露獲覩龍飛尚觀新政之行普
慰蒼生之願

賀登極表

許開

壽皇發號自託倦勤睿主膺圖茲誠善繼事光今古

賀聖節表

方岳

惟天數五正淵獻之孟陬聞嶽呼三增泰元之神筴
星樞明潤海宇清夷恭惟皇帝陛下受命溥將躋民
仁壽華夏蠻貊罔不率登茲太平國家閔暇及是時
所其無逸祥開甲觀春在寅堦臣幸假熊馮嘗陪獸
舞河千里一曲雖遠京師亥二首六身但忻歲紀

賀元會表

秦觀

十三月為正既前稽於夏道二千石上壽仍參承於
漢儀盛旦載逢葵章具舉伏惟皇帝陛下財成天地

參並神明命義和之二官謹春秋之五始調和元氣
撫御中區肆屬春王之朝肇修元會之禮雜人呼且
庭燎有光外則虎賁羽林嚴宿衛之列內則謁者御
史肅班行之容漏未盡而車輅陳蹕既鳴而鼓鐘作
應龍高舉雲氣畢從北極上臨星宿咸拱受四海之
圖籍拜萬國之衣冠歲月日時於焉先正聲明文物
粲爾可觀邁康王豐宮之朝拚高帝長樂之事藹頌
聲而並作鬱協氣以橫流臣比遠天光遽更年籥職
忝藩國莫瞻龍衮之升心折宸居但想獸樽之列

猛將之力臣叨聯近屬假守神皋自聞露布之馳不
知展齒之折大開明堂之朝賀深荷清廟之宣揚

代宣司賀復泗州表

應松湖

十乘啟行誕播順天之罰一城得雋首歸輿地之圖
壯士氣於前茅愴皇靈於破竹山河開闢夷夏驩呼
竊惟大義之鼓行尤貴先聲之響應漢數百戰由下
沛以迎降湯十一征蓋自葛而始載矧泗水之名郡
本都梁之故城雞犬相聞久渴旱霓之望豺狼肆噬
可稽時雨之師肆舉幟以先登果倒戈而效順民皆

按堵市不易屢破淮北之藩籬諸道並進扼山東之門戶萬里長驅陛下默運神機於昭聖武過師枕席之上救民水火之中曰後后後來勳爭持牛酒有不戰戰必勝行洗甲兵臣肅奉廟謨董司戎律鋪淮濱而馘醜虜已觀因壘之降伐獫狁以奏虜公竚見犁庭之舉

代宰相賀正旦雪表

洪适

三微更始正王道之大端六出飛花兆年豐之嘉慶自近及遠式舞且歌竊以葭律移灰方陬月棣通之

賀皇帝御福寧殿表

李劉

秘殿鼎新昭鴻名而日揭宸居離麗肅龍衛以天臨風來南面之薰星拱北辰之所恭惟陛下體元居正圖大宅中福庶民以是訓之彙寧萬國以惟和之政盡力致孝既卑夏禹之宮修政禳災復考宣王之室棟取諸壯蒨轉而豐鶯聲既便於觀旂鶴駕仍通於問寢誕敷文德聿觀舞羽于兩階載續武功式燕躋堂之萬壽臣攝麾黔鄙馳夢清都四海爲家更願綢繆於牖戶萬民安宅益堅壯麗之山河

賀車駕幸秘書省表

呂祖謙

東觀書林久俟漢儀之觀西崑冊府載瞻周馭之臨
嗣三紀之閱模軼百王之盛節竊以斯文崇替與世
降升自我祖宗闢載籍萃藏之地於時典冊踵乘輿
游幸之書從容箴誨之求廣大峻良之聚炎圖再造
華省一新爰親御於右文用仰繩於前武重明善繼
太極丕承乙夜牘陳念初載網羅之不易昕朝班入
思中興儲養之有原迺臨三館髦俊之躔乃展列聖
圖書之奧帝暉下矚光汗牛克棟之藏天藻高垂跨

駟馬相梁之詠湛露示醇醴之惠承雲宣純繹之音
一日萬幾曾靡齋居之暇九流七略獨煩清蹕之留
蓋以恢稽古尚德之風夫豈爲飾治樂成之舉聲明
布獲慶賜汪洋恭惟皇帝陛下秩序邦經裁成王度
多聞將求建事旣留意於簡編大烹所以養賢復均
盼於肴醴士心興起雅道流行臣等服在具條身逢
昌會第從臣之頌敢揚厲於鴻休近天子之光請具
宣於德意

賀車駕幸太學表

石 忬

三千壁水教白國中萬里旄旌來從天上升階奠爵
而蒐舉隊典橫經賜坐以光輝諸生自然草靡而風
從孰不鳶飛而魚躍竊以增員廣舍自漢而下莫如
唐養老乞言由堯以是傳之舜削畫餅虛名之科舉
惠羸糧往學之衣冠在太平時皆盛德事前古蓋嘗
有意卒無成功元豐未暇盡行留待今日恭惟皇帝
陛下與天無極如日之升謂命鄉論秀告於王而化
民成俗必由學夙嚴葆衛祗謁儒宮有司洒道以清
塵觀者駢肩而累足雲開東幄降黃屋以親臨鷺集

西靡望翠華而再拜士氣鼓翮歡心湧泉豈特夏曰
校而周曰庠矢其文德將使我在西而狄在北懷我
好音臣目覩天書心存魏闕起太史滯留之嘆嘉會
難逢獻周王壽考之詩道人未出

車駕親征起居表

汪藻

萬旅戒嚴六蜚巡狩法成周之時邁張大漢之天聲
恭惟皇帝陛下誠貫神明資兼智勇合羣英之策慮
輿中否之基圖念問安猶隔於雞鳴豈撥亂得辭于
馬上姑從簡約用示憂勤臣方遠闕庭莫共牧圉神

戈所指方令裴度以視師清蹕之行將獲呂嘉而名縣

賀誅吳曦表

危昭德

河山有誓敢爾負恩天地不容竟茲授首神人憤洩
海宇權同恭惟皇帝紹開中興布宣聖武三軍叶力
事方急於規恢一夫當關志乃謀於竊據公連異類
欲悖太陽以所守非親而化爲豺狼謂無天道見無
禮于君而誅如鳥雀寧變人心不勞尺兵遂膏齊鉞
平劉闢於蜀本元和聖德之明除子璋於綿豈成都

慶渾華夷恭惟皇帝陛下仁孝真乎天資忠厚循乎
家法象符淳震仰元良者二十年運偶重離兼剛柔
之六三德漢承堯而傳歸於子舜授禹而允執厥中
別殿問安永具威儀於鳳輦靈臺偃伯必加正朔於
龍庭臣逃奉教條阻趨班列一道而聖相受仍際太
平舊邦而命惟新請賡大雅

賀登極表

岷耆卿

懋數承堯禋千歲皇圖之正謳歌歸舜煥一時帝位
之新廟社鼎安寰區泰定竊以百年南渡四世中興

繼體守文之功固永扶於基緒撥亂反正之略將寢
復於土疆人未占以有孚天不言而善應是生上聖
以闡重明恭惟陛下性德清淵幾神濬哲韜除外邸
隱然天日之姿出入內朝允矣宗祊之望共識五馬
之渡誰知六龍之潛迨此承祧決於與子合夷夏之
無外度帝王之有真停歌周宣復古之詩併擬元結
齊天之頌含齒之衆跂足以須臣猥守京畿欣逢御
極風雲從而萬物覩已丕聳於八垠日月照而四時
行幸光輝於三輔

際椒花獻頌正鴻禧萃聚之時益聖人之德無加則
天瑞應誠而至葵心向日方瞻鳳歷之頌柳絮因風
已發兔園之詠雜軒墀之玉砌成宮闕之瑤臺實一
人有慶之符示百穀用成之應良史直筆已書尺地
之珍太師陳詩行播千倉之什茲蓋恭遇皇帝陛下
履端於始與物爲春惟盛德上合於大故圓穹不愛
其道旣頌聲之並作致協氣以橫流七政齊於璿璣
有合璧連珠之瑞四時和爲玉燭無鳴條破塊之災
故茲五穀之精降此一歲之始臣濫司台柄獲都在

祥變理陰陽大懼絲豪之無補勤勞稼穡行觀廩庾
以皆盈仰望龍顏徒深鼇抃

賀雪表

呂祖謙

蠖獲嬋娟穆若清都之邃聯翩飛洒曷然豐樂之祥
璀璨宸居昭融休氣恭惟太上皇帝陛下默調玉燭
高眡珍臺成性存存雖獨觀於虛白為眾父父未唐
釋於黎黔顧圭璧之錯陳睠倉箱之載懌臣逃居下
土絕跂寥天游藐姑之山既瞻冰雪占曾孫之稼豫
慶茨梁

代宰相賀雪表

楊萬里

神功所格冬大雪以應期天意謂何年屢豐而表瑞
古之先見序則不愆恭惟皇帝陛下乾以君之聖之
時者日月所會臨地統於三正造化為工珣天葩之
六出知麥禾之有望舉稚耄以載欣臣遭世泰和罔
功變理驗時寒之若端自聖謀懷履薄之如敢忘臣
節

賀雪表

黃疇若

同雲蔽野甫占寒氣之升浮玉飛英爰表豐年之瑞

事關扈正喜徹龍顏恭惟皇帝陛下綏靖嘉師彌綸
神化潛天而天潛地而地罔間幽深曰雨而雨曰暘
而暘同施闔闢時屬三冬之序祥開六出之霽委積
徘徊凝寶光於鵙鵲氤氳散漫接雲氣於蓬萊祛癘
疾於崇朝啟豐穰於嗣歲雖均覆燾實賴裁成臣等
俯愧變調勉圖報稱列賢才於庶位無晝臥洛陽之
人激士氣於三軍有夜入蔡州之志

賀河清表

趙鼎臣

后祇秩祀適陳母事之儀坎德開先特薦河清之瑞
表非常之景貺昭至感之精通凡在見聞孰不欣忭
伏惟皇帝陛下誕揚基命欽率元謨得虞帝之執中
體成湯之秉哲人文煥而允穆聖風衍而普和名山
既升集四靈而為畜萬物咸賴顧行葦而不傷恬淡
宅中雍容垂拱天鑒丕德啟真錄以合符民戴上仁
奄神區而望幸而自講求茂實俯詢僉同增修鄧上
之宮竚發襄城之駕威儀浸盛兼商輅以齊驅福應
駢臻豈漢鼎而專美洪惟域中四大地得一以攸寧
天生五材水濶下而為利稽九河之既導冠四瀆以

稱尊抱睢壤以縈迴合汾源而奔注舟師振楫幾汨於涇泥川后靜波俄澄於江練連銀漢而共色倅浪井以成文三門緩激箭之流百丈見織鱗之戲蕩邪却穢挹之無遜于甘泉薦潔明馨用之可資於元酒實千年之慶會同萬世以延鴻臣等將侍嚴祠獲觀丕應顧縉紳之士已拜于封章止旬浹之間又窺於列奏願示在廷之著位式昭希代之殊祥

徐州賀河平表

蘇軾

聖謨獨運天眷莫違庶邦子來民罔告病萬杵雷動役不逾時遂消東北莫大之憂然後麥禾可得而食人無後患喜若更生伏以大河爲災歷世所病禹治兗州之野十有三載乃同漢築宣防之宮二十餘年而定未有收狂瀾於旣潰復故道於將堙俛仰而成神速若此恭惟皇帝陛下至仁博施神智無方達四聰以來衆言廣大孝以安宗廟水當潤下河不溢流屬歲久之無虞故患生於所忽方其決也本吏失其防而非天意及其復也蓋天助有德而非人功上古所無溥天同慶維豐沛之大澤實沐浴之所鍾伊昔

橫流凜孤城之若塊迨茲平定蔚秋稼以如雲害既
廣則利多憂獨深而喜倍雖官守有限不獲趨外庭
以稱觴而民意所同亦能抒下情而作頌

賀獄空表

趙鼎臣

堯舜性仁民日遷善成康刑措史不絕書凡有耳目
之見聞不勝手足之舞蹈竊以中都浩穰在止辟以
尤難長夏鬱蒸雖佚居而猶病無有一人之獄適丁
千載之期恭惟皇帝陛下獨運離明躬行乾健如口
不辜之殺寧失不經推吾所愛之人及其不愛曾旬

月之未幾致囹圄之屢空逮於畿赤之間舉絕縲紲
之繫符瑞數興於草木貨財耻拾於道塗歷春夏以
滋多累百千而未已臣獲寬吏責仰冒天功得以驚
鈍之姿坐成嘉美之化沉朱李於寒水共樂清時鞠
茂草於園扉殊多暇日

和議成賀表

岳飛

觀時制變仰聖哲之宏規善勝不爭實帝王之妙算
念此艱難之久姑從和好之宜睿澤誕敷輿情胥悅
竊以婁敬獻言於漢帝魏絳發策於晉侯皆盟墨未

乾軟血猶濕俄駟南牧之馬旋與北伐之師蓋
不情而無信莫守金石之約難充溪壑之求圖
苟安而解倒垂猶之可也欲長慮而尊中國豈其然
乎恭惟皇帝陛下大德有容神武不殺體乾之健行
與之權務和衆以安民迺講信而修睦已漸還於境
土想喜見其威儀臣幸遇昌時復觀盛事身居將闕
功無補於涓埃口誦詔書面有慚於軍旅尚作聰明
而過慮徒懷猶豫以致疑謂無事而請和者謀恐卑
辭而益備者進願定謀而全勝期收地於兩河唾手

燕雲正欲復仇而報國誓心天地尚令稽首以稱藩

賀光堯皇帝遜位表

馮時行

為天下得人睿謀素定與萬方更始皇統親傳意合
祖宗道同堯舜恭惟太上皇帝英明獨運慈儉躬行
勵精三紀之餘恭己萬民之上啟昌運於中興之日
朝諸侯於復會之時已安神器於覆盂真視天下如
敝屣委無倫之富貴與造物遊處太上之崇高為天
子父功成不有道大難名臣謬領州麾欣承詔旨考
百王而未見歎美斯勤祝萬壽之無疆傾輸至切

正日遙賀太上皇表

汪藻

接千載之統推神策以膺期上萬年之觴御端朝而受祉若稽故實遙企清光恭惟太上皇帝陛下體道粹精怡神冲漠方席宗祧之慶遽成國步之艱帝堯游汾水之陽久忘天下文王遇明夷之卦益見聖人臣自遠威顏薦更時序當璣衡之載復悵旒宸之猶賅鴻雁雖賓莫附帛書於沙漠風濤中阻徒瞻雲氣於蓬萊

賀太上皇壽七十表

孫奭

皇圖授聖綿寶奠於萬年帝夢與齡開壽編於七秩修熙朝之盛事溢萬宇之歡聲臣聞有永降年自天所命大德必壽從古而然千二百歲而不衰益修身之有道百二十刻而成度徒增漏以爲期於皇上聖之臨度越前王之懿授神器於雍熙之日心懷脫屣之高備至養於康彊之時年及從心之適非祠禱而徑躋於上壽不導引而自籍於長生亘古未聞於今創見恭惟陛下誠參化育道妙希夷爲天下得人盡付謳歌之啟與造物爲侶咸歸富壽於堯在天心眷

顧以方隆致睿奠增崇而未已演二首六身之數仰符基命之辰會三統九章之元將衍後天之奠恩綸新下孝治有光臣持節南州馳神北闕稱觴漢殿身雖遠於鵷行祝壽堯封心敢忘於虎拜

重華宮會慶節賀表

周必大

日會析津風推良月星流華渚茲應昌期凡居有截之區同慶無疆之祝恭惟至尊壽皇聖帝陛下功成弗處道大難名不獨親其親孝與慈而並廣爲衆父之父理暨性以兼融巍然太極之尊永矣溥天之養聖謨可頌睿奠難窮臣竊伏江城欣逢誕節望重華之殿旅百何從想萬壽之山呼三罔怠

會慶節賀壽皇表

陸游

錫羨無疆不顯生商之旦成功不處適當命禹之時熙運親逢羣情宵慶恭惟至尊壽皇聖帝陛下仁涵動植道配堪輿詩書所稱何有加卓爾規模之大唐虞之際斯爲盛超然揖遜之風積勤致王業之成端拱視天命之阜豈特極高而蟠厚固已勒崇而垂鴻臣等誤賞周行久陶聖化蓬萊隔弱水三萬里獲進

謁於殊庭上古有大椿八千秋冀默符於睿奠

車駕巡幸起居太上皇表

汪藻

年運而往天時俄及於凜秋日舒以長物外方觀於
浩劫恭惟太上皇帝陛下研幾繫表探賾寰中旣與
夫造物者遊孰肯以天下爲事遺元珠於赤水久矣
相忘飲膏露於金莖自然難老臣等幸參法從嘗侍
清光徒傾就日之誠莫遂瞻天之意

重華宮上尊號賀皇帝表

許開

畫袞繡裳承燕謀於正宇翠旗雕輦奉鴻號於慈闈

孝本一人慶均八表恭惟皇帝陛下孜孜興夏業業
繼虞念茲莫報之恩原此難名之德乾稱父坤稱母
並擬形容河出圖洛出書載新篆刻歛五福惟皇之
極率百官若帝之初臣分竹南邦傾葵北闕襲六而
作一藝敬想特書明雨而照四方永觀盛際

賀皇帝慶皇太后八十表

洪适

進壽東朝宣恩北闕殿上皆稱萬歲瑞應非常海內
之凡九州歌呼同慶臣聞喜黃髮而頌壽母魯國有
詩摘紫房以和慈顏晉人自賦若長樂備常珍之奉

在前王無故事之傳恭惟皇帝陛下道大興齊功光
系漢日致其孝有曾閔事親之風帝降之祥得黃老
養性之福雖早朝而晏罷必夏清而冬溫逢八十春
秋之尊出五三經籍之右吹律式迎於首祚舉觴遂
介於長年歡連宮闈澤洽黎庶比屋起南陔之養瑤
池呈西老之符興慶之率百官曾非曠與建元之復
三奠何啻陳編臣遠守小邦側聞盛禮廻鑿紀事徵
踪嘗錄於汗青賜札錫民異渥獲推於戴白

賀皇帝慶皇太后八十表

洪适

喬雲結幄爛南極於紫霄元日稱觴介東朝之黃髮
郵音所寄嘉頌式騰竊以有三足鳥說西崑之戴勝
鍊五色石聞上古之斷鼈已標仙籍之長生式播皇
風於不朽慶綿長樂事始昌辰恭惟皇帝陛下性稟
姜任行齊曾閔問安視膳蕃釐專鄉於媪神據德依
仁介福鼎來於王母禮行膝下歡洽宮中八千歲春
方百分之及一十七代史比萬壽以無雙臣遠使重
湖與聞曠典仰泰階而肅序厥路無由祝坤極之增
年後天而老

代進光宗御集表

王子俊

雲漢爲章莫闕寶儲之彩風雷作號俾緡金匱之藏
勒成一經昭示萬世竊以聖人肆筆初何意於成書
天下觀文乃有功於範俗繫隆昭代通駿先猷恭詔
編摩之臣彙列昭回之次煥然可述施及無疆恭惟
光宗皇帝學富月將聖高天縱得書之體得言之解
上掩百王如日之升如月之常下飾萬物疇昔燕閒
之御從容翰墨之場周文郁郁乎宏賁盈成之治虞
書渾渾爾丕昭精一之傳陛下聲欲廣文道能繼禹

作者之謂聖敢忘繼志述事之心得其所以書洞見
經天緯地之妙肆命臣工而纂緝載場帝典之光華
細帙縹囊寶爲大訓赤文綠字皆聚此書臣等猥以
謏聞膺茲隆旨玩歲愒日空殫淺見於管闕血指汗
顏深覺聖言之天遠

國史院進三朝正史帝紀表

洪邁

三后在天誕著丕謨之懿百年積德惟憑信史之傳
方論次之開先仰威靈之如在載涓昧旦輒冒宸嚴
臣竊以詒厥孫謀寶爲大訓必有不刊之典用扶可

久之基赫赫裕陵制作擅百王之冠巍巍哲萌規恢
宏七世之觀迨昭考之勃興備盛朝之盡美治安之
極鄙判所無禹繼舜舜繼堯顧三聖而守一道事繫
時時繫月宜一經以垂無窮慨多歷於歲華訖未施
於功緒蓋士起異同之論而時更板蕩之餘視熙豐
符祐之成舉是非而雜揉放崇觀政宣之志頗放失
于舊聞賴故家遺俗之猶存致偉蹟閑休之可紀參
稽定貫允屬昌辰恭惟皇帝陛下宗祏宅心羹牆係
念明烈祖之成德以庶邦惟正之供觀文王之耿光
善孝子述人之事欲壯西箱之御趣哀東觀之書臣
等自愧庸虛敢知筆削書大事而小則簡牘願殫緇
素之勤藏名山而副在京師終冀汗青之望

代進重修七司令表

王子俊

制而用之謂之法所期合古而便今變而通之存乎
時當亦舉偏而補弊立爲成憲允屬昌辰肆令億兆
之心具曉畫一之意竊以著爲律疏爲令要皆所以
範民作者聖述者明亦共圖于經世必揭始觀之象
用陶不倦之民以時纂修爲世檢押陛下堯綱具舉

舜法可傳左規右矩前準後繩以爲民極詳法略則本數末度則有司存粵從寶厯之紹承咸仰聖慕之宏遠五服薄四海譬使指而畢從入統御萬民綱在綱而不紊猶恐弊生於所忽殆將功敗于已成爰制詔於臣鄰俾科條於令甲布在方冊允釐百工鳧居雁聚之浩繁同歸於治金科玉條之明白可舉而行勒成一代之書庸示九圍之式臣等賦材謏薄庀織凌兢繼晷窮年空玩歲月而何補奉命聖王而爲師維幸及於奏篇猶未知於免

進大學衍義表

真德秀

伏以汗竹雖塵何補聖經之奧食芹欲獻誤蒙天語之溫以十年纂輯之餘欣一日遭逢之幸惟大學設八條之教爲人君立萬世之程首之以格物致知示窮理乃正心之本推之於齊家治國見修己爲及物之原曾子之傳獨得其宗程氏以來大明厥旨迨師儒之繼出有章句之昭垂臣少所服膺晚而知趣謂淵源遠矣實東魯教人之微言而綱目燦然迺南面臨民之要道曩叨侍從論思之列適當姦諛蒙蔽之

時念將開廣於聰明惟有發揮於經術使吾君之心
炳如白日於天下之理洞若秋豪雖共堯雜進於堯
朝豈魑魅能逃於禹鼎不量菲薄欲效編摩遠羅三
至之讒徒結九重之戀旣投閒而置散因極意以研
精猷畝不忘君每惓惓于報上藩牆皆置筆幾矻矻
以窮年首綴聖賢性命道德之言旁采古今治亂安
危之迹必提其要皆聚此書凡諸老先生之講明粗
加該括於君子小人之情狀尤極形容載瞻海嶽之
崇深期效涓埃之神補茲葢恭遇皇帝陛下乾旋坤

轉日就月將於緝熙單厥心基命適隆於成后念終
始興于學遜志克邁于商宗方將切磋琢磨而篤於
自修定靜安慮而進于能得事欲明于本末理期貫
于精粗適粹成編冒塵清燕止其所止願益加止善
之功新以又新更推作新民之化

乞校正陸贄奏議上進劄子

蘇軾

臣等猥以空疎備員講讀聖明天縱學問日新臣等
才有限而道無窮心欲言而口不逮以此自愧莫知
所爲竊謂人臣之納忠譬如醫者之用藥藥雖進於

醫手方多傳下古人若已經効于世間不必皆從于已出伏見唐宰相陸贄才本王佐學爲帝師論深切於事情言不離于道德智如子房而文則過辯如賈誼而術不疎上以格君心之非下以通天下之志三代以還一人而已但其不幸仕不遇時德宗以苛刻爲能而贄諫之以忠厚德宗以猜疑爲術而贄勸之以推誠德宗好用兵而贄以消兵爲先德宗好聚財而贄以散財爲急至於用人聽言之法治邊馭將之方罪已以收人心改過以應天道去小人以除民患

惜名器以待有功如此之流未易悉數可謂進苦口之藥石鍼害身之膏肓使德宗盡用其言則貞觀可得而復臣等每退自西閣卽私相告言以陛下聖明必喜贄議論但使聖賢之相契卽如臣主之同時昔馮唐論頗牧之賢則漢文爲之太息魏相條鼂董之對則孝宣以致中興若陛下能自得師則莫若近取諸贄夫六經三史諸子百家非無可觀譬足爲治但聖言幽遠未學支離譬如山海之崇深難以一二而拚擇如贄之論開卷了然聚古今之精英實治亂之

龜鑑臣等欲取其奏議稍加校正繕寫進呈願陛下
置之坐隅如見贊面反覆熟讀如與贊言必能發聖
性之高明成治功於歲月

進兩制三館牡丹歌詩狀

晏殊

化合天心祥開卉木協風靈雨散爲膏壤之滋共蒂
并柯布在密青之園畫品難形于卓異瑞圖不盡於
芳妍乃詔儒臣各摘華藻匪太平之特盛豈榮遇之
及茲昔者虞舜曆期有皋陶之履載周宣繼業聞吉
甫之誦章益默助于謨猷不專工於辭翰迫於漢室

尤好藝文別館離宮多命從臣之制作倡優鄭衛已
無前古之箴規中葉以還其風未泯永平神雀之頌
孝明稱美者五人正元重九之篇德宗考第於三等
並垂編簡式著熙隆洪惟聖運之會昌可繼重華之
輝耀然於衆製未復前修思諷諭者隱其誠而靡宣
局聲律者麗其言而罕實不足以上禪睿覽下達民
情效明良喜起之音續雅頌清微之範姑用登高而
能賦庶幾博奕之猶賢罔叶精求豈任多愧臣首當
庸濫竇玷恩華與寤以懇覲惶無極

進先文定公文集表

胡寅

宸衷尚舊故老形思訓釋典文風簡高深之記遺餘
篇翰更蒙清燕之求臣伏念先臣志希明道謀不爲
身心遠地偏寄陶廬於三徑人憂已樂甘顏巷之一
瓢吟咏性情而無雕蟲篆刻之爲交際往來而乏竿
牘苞苴之智中經倣擾多所散亡晚獲奠居僅成編
帙精忠皎皎每提撥亂之綱莊語諄諄多闡濟時之
用進則傾輸於君父退猶關說於公卿壯懷投老而
益堅弱齒抱病而彌勵自期有補終冀二伸邱木成

陰雖鬱春秋之志囊書奏御何知且暮之逢伏遇陛
下典學格身崇儒化俗華袞豈惟於一字緇衣不問
於十年乃因仲息之對揚錫以溫顏之清問斯文不
墜多士流傳臣謹已校定舛訛分成門次爰從傳置
進備覽觀函劍有光旣徹斗牛之象浦珠無恙合供
旒冕之需

謝兼侍讀表

蘇軾

重地隆名不擇所付清資厚祿以養不才伏念臣以
草木之微當天地之澤七典名郡再入翰林兩除尚

書三忝侍讀雖當世之豪傑猶未易居矧如臣之孤
危其何能副恭惟皇帝陛下聖神格物文武憲邦重
離繼明何煩燭火之助大厦旣構尚求一木之支而
臣白首復來丹心已折望西清之帷幄久立傍徨聞
長樂之鼓鐘恍如夢寐莫報邛山之施猶貪頃刻之
榮

謝侍講兼脩國史表

洪邁

七閩去朝久隔鈞天之夢一朝得覲重趨丹地之班
仰戴鴻私俯慚駑鈍伏念臣本無能績鮮有事功禁
路持荷蚤占榮於清貫大州剖竹旋待罪於輔藩茂
報毫分悵違顏咫尺敢謂璽封之收召趣前宣席之對
揚祿以真祠還其故步勸漢殿光祿之講安用腐儒
纂周官石室之文復爲太史拜訓辭之甚厚知符任
之益專自顧蠢愚將何答塞茲蓋伏遇陛下道齊堯
舜仁奉祖宗下建武之詔書正爾恢張於治具數正
元之朝士獨憐流落之孤蹤肆垂齒錄之恩俾卒汗
青之業臣敢不旁搜遠紹廣記備言竊闕聖學之光
明謹次舊聞之放失抱遺經而究終始詎殫佔畢之

勤藏名山而副京師實有遭逢之幸

謝宣召入翰林狀

歐陽脩

使車入里君命在門閭巷遙傳豈識朝廷之故事摎紳竦歎以爲儒者之至榮在臣之愚何以堪此竊以文章之任自古非輕待遇寵榮至有私人之目詢謀獻納因加內相之名恩旣異於常倫人愈難於稱職伏念臣器非宏達識匪該明學不通古今之宜材不識方圓之用久叨塵於侍從曾莫著於勞能而自出守外藩近遭家禍苟存餘喘復齒周行風波流落者

十年天日再瞻於雙闕進對之際已蕭颯於霜毛開勞有加賜憫憐於玉色形神若此志意可知身已分於早衰心敢萌於希進加以羈危之迹仇嫉交攻進退動繫於羣言論議多煩於睿聽雖覆載之造每賜保全而孤蹇偷安常思引去敢謂伏蒙皇帝陛下俯憐舊物曲軫宸慈因內署之闕員俾備官而承乏臣敢不勉尋舊學益勵前脩感遺簪不棄之仁竭駑馬已疲之力庶伸薄效少答鴻恩

謝宣召入院表

真德秀

來從南服未宣民版之勞召置北扉猥被宸綸之寵
光生里巷榮動簪紳竊觀列聖之用人惟待詞臣而
加禮蓋於言語文章之外責其論思獻納之忠或雖
忤旨而暫聞終必棄瑕而復用脩除翰苑在環滁出
守之餘職待禁廷亦赤壁歸來之後豈非加歲月則
其文老涉憂患則其慮長乃登邃巖以備顧問如臣
者才華弗競顛拙自將掌先皇內制者六年每慚越
俎迨陛下初元之再命竟許循墻以驅馳州縣之類
且廢放山林之久見聞淺少藝業益荒結茅屋於雲

邊已甘終老瞻玉堂於天上若隔前生敢云白首之
重來誤辱清衷之妙簡獲玷久虛之選幾成三入之
榮茲蓋恭遇皇帝陛下肆筆成文解絃更化志孚群
聽欲下山東之書念在邊垂或訪河西之事必有端
良之彥以充供奉之班奚取臣愚以承人之臣敢不
益堅晚節思答隆知賜宮錦而加草詔之寵雖非敢
望卽金鏡而擿任賢之要則所自期

謝知制誥表

歐陽脩

伏以王者尊居萬民之上而誠意能與下同奄有四

海之大而惠澤得以徧及者得非號令告詔發揮而已哉然其爲言也質而不文則不足以行遠而昭聖謨麗而不典則不足以示後而爲世法居是職者古難其人乃以愚臣而當此選伏惟皇帝陛下茂仁聖之姿荷祖宗之業日慎一日曾未少懈而自羗夷負固邊鄙用師勤儉率先於聖躬焦勞常見於土色雖有憂民之志而憶姓未蘓雖有欲治之心而羣臣未副故每進一善則未嘗不欲勸天下之能每官一賢則未始不欲盡人材之用雖以爵祿而砥礪尚須訓

誠之丁寧尤假能言以論至意可稱是者不又艱歟伏念臣雖以儒術進身本無辭藝可取徒值嚮者時文之弊偶能獨守好古之勤志欲去於雕華文反成於樸鄙本懼不適當世之用敢期白結聖主之知陛下獎之特深用之太過此臣所以懇讓三四至於辭窮而天意不回寵命難止尚慮頑然之未諭更加使者以臨門恩出非常理難屢瀆及俯而受命伏讀訓辭則有必能復古之言然後益知所責之重夙夜惶惑未知所措伏况文字之職廁於侍從之班在於周

行是爲超擢不徒揮翰以爲効自當死節以報恩惟所使之期於盡瘁

謝除中書舍人表

蘇轍

越從左使擢領西垣口出命書身參法從深念山林之跡本無富貴之心聞命若驚固辭不獲伏念臣生本西蜀家世寒儒學以父兄爲師貧無公卿之助私有所求於祿養輒自力於文詞慨然東遊無以上達際會仁祖訪求直言策語猖狂恃神聖之不諱考官怪怒惡悻直之非宜孰知悟俗之言特被愛君之詔感

激恩遇遂忘死生莫辭國士之知適有私門之禍未填溝壑重迫饑寒時於道塗望見神考一封朝奏夕聞召對之音衆口交攻終至南遷之患生雖不遇嘗辱顧於二宗時不見容勢殆濱於九死厄窮自致黽俛何言敢云衰病之餘復被寵光之幸此葢伏遇太皇太后陛下母慈均覆坤德無私欲以任姒之明躬行堯舜之道肆求多士以遺成王者老畢會於朝廷耕築不遺於林莽遂令拔擢猥及空疎馮唐已衰猶願雲中之往貢禹雖老未忘封事之勤譬如木之在

山生則荷恩而死無所怨水之於地行則潤下而止不敢辭臣之事君義亦如此欲報之意非言所殫

謝禮部尚書兼翰林院學士表 周必大

宗伯綴文昌之座已高曳履之班翰林依華蓋之星尚玷演綸之直當聖主謹持於官器獨愚臣常愧於私人臣竊考自古豪英之才旋觀當今文學之士或抑淹草茅之下或陸沉州縣之中瞻城南尺五之天致身無路想玉階方寸之地通籍幾人况乎出入禁嚴周旋侍從論思獻納日適清光被衣服乘歲叨徽

數向非負一時之望安能符衆論之公如臣者學不足以知方才不足以應務家壁四立甘爲窮陋之民君門九重敢起躋攀之念而自親逢聖作首奉詔除簡知特厚於諸臣獎擢徧更於華貫官益崇而效寡祿逾富而報微左降固宜右遷何有忽拜便蕃之命疊加優異之恩師屬春官光貳卿之舊次擢文禁苑忝四命之新榮煥寶帶以章身飾繡鞵而驚駭正使實兼數器尚虞稱塞之難矧伊初乏寸長何意超躡之甚周章就列俯仰懷慙此蓋伏遇皇帝陛下道協

舜華志恢禹迹明明在下雖洞照於羣情浩浩其天
每包涵於萬類寧稍捐於爵秩恐成棄於菲葑遂致
凡才亦塵顯仕臣敢不悉其思慮稱是寵褒號令文
章期助漢家之制討論潤色勉希鄭國之賢苟道素
餐庶酌洪造

一 誦除禮部侍郎兼直院兼侍讀表

真德秀

龍飛九五幸逢真王之興驛召再三俾造邇臣之列
職親地遠恩鉅人微臣竊惟國勢之重輕率視人材

之聚散王多吉士則若鳴鳳之集梧桐朝有直臣則
若猛獸之衛藜藿和聲聞而妖聲自息正氣勝而邪
氣回于是以元祐首年盡起諸老隆興初政畢萃羣
賢正塗旣開治象可卜於赫盛且適追先猷宜得白
首蒼艾之英以重清時獻納之選伏念臣學雖志道
材弗瘠人忝乙第於慶元臨軒之初綴三館於嘉定
改絃之始齧扉久直會微華國之文螭陞屢前徒抱
愛君之志越從子節游易守藩尚欣宣室之席前忽
痛鼎湖之弓墜義輪東出方薄海之仰瞻漢札西來

先時髦而收召身未登於詞掖班已躡於儀曹金華
玉堂假儒臣之榮寵蘭臺石室窺太史之秘藏自惟
何人叨此殊獎茲益恭遇皇帝陛下德全純懿學務
緝熙念皇天后土之監臨居懷兢畏察君子小人之
消長實兆興衰謂臣雖無適用之材知臣粗有不欺
之節擢躋通服許貢微忠臣敢不戒在苟容期於美
報惟禮可以爲國願廣晏嬰之言非道不敢陳前竊
效孟軻之敬

密州謝上表

蘇軾

草芥賤微敢干洪造乾坤廣大曲遂私誠受命撫躬
已自知於不稱入境問俗又復過於所期伏念臣家
世至寒性資甚下學雖篤志本先朝進士篆刻之文
論不適時皆老生常談陳腐之說分於聖世處以散
材一自離去闕庭屢更歲籥塵埃筆硯漸忘舊學之
淵源奔走簿書粗識小人之情僞欲自試於民社冀
有助於涓埃以爲公朝不廢私願携孥上國預憂桂
玉之不充請郡東方實欲弟昆之相近自惟何幸動

獲所者雖父兄所以處臣其僥倖不過如此誰云疎外有此遭逢此蓋伏遇皇帝陛下躬上聖之資建太平之業以爲人無賢愚皆有可用故雖如臣等輩猶未盡捐臣敢不仰認至恩益堅素守推廣中和之政撫綏疲瘵之民要使民之安臣則爲臣之報國

湖州謝上表

蘇軾

風俗阜安在東南號爲無事山水清遠本朝廷所以優賢顧惟何人亦與茲選伏念臣性資頑鈍名迹堙微議論濶疎文學淺陋凡人必有一得而臣獨無寸

長荷先帝之誤恩擢寘三館蒙陛下之過聽付黜爾州非不欲痛自激昂少酬恩造而才分所局有過無功法令具存雖勤何補罪固多矣臣猶知之夫何越郡之名邦更許借資而顯受顧惟無狀豈不知恩此蓋伏遇皇帝陛下天覆羣生海涵萬族用人不求其備嘉善而矜不能知其愚不適時難以追陪新進察其老不生事或能牧養小民而臣頃在錢塘樂其風土魚鳥之性旣自得於江湖吳越之人亦安臣之教令敢不奉法勤職息訟平刑上以廣朝廷之仁下以

慰父老之望

到黃州謝表

蘇軾

狂愚冒犯固有常刑神聖矜憐特從輕與赦其必死
許以自新祇服訓辭惟有感涕伏念臣早緣科第誤
忝縉紳親逢睿哲之興遂有功名之意亦嘗召對便
殿考其所學之言試守三州觀其所行之實而臣用
意過當日趨於迷賦命衰窮天奪其魄叛逆義理辜
負恩私茫如醉夢之中不知言語之萬雖至仁屢赦
而衆議不容案罪責情固宜伏斧鑕於兩見推恩屈

法猶當禦魑魅於三危豈謂尙玷散員更叨善地投
畀磨廳之野保全樗櫟之生臣雖至愚豈不知幸此
蓋伏遇皇帝陛下德刑並用善惡兼容欲使法行而
知恩是用小懲而大戒天地能覆載之而不能容之
於度外父母能生育之而不能出之於死中伏惟此
恩何以爲報惟當疏食沒齒杜門思愆深悟積年之
非永爲多士之戒貪戀聖世不敢殺身庶幾餘生未
爲棄物若獲盡力鞭箠之下必將捐軀矢石之間指
天誓心有死無易

謝量移汝州表

蘇軾

稍從內遷示不終棄罪已甘於萬死恩實出於再生
祇服訓詞惟知感涕伏念臣向者各過其實食浮於
人兄弟竝竊於賢科衣冠或以爲盛事旋從冊府出
領郡符既無片善可紀於絲毫而以重罪當膏於斧
鉞雖蒙恩貸有愧平生隻影自憐命寄江湖之上驚
魂未定夢遊縲紲之中憔悴非人章狂矢志妻孥之
所竊笑親友至於絕交疾病連年人皆相傳爲已死
饑寒併日臣亦自厭其餘生豈謂草芥之賤微尚煩

朝廷之紀錄開其恫悔許以甄收此蓋伏遇皇帝陛
下湯德日新堯仁天覆建原廟以安祖考正太宮而
脩典刑百廢具興多士爰集彈冠結綬共欣千載之
逢掩面向隅不忍一夫之泣故推涓滴以及焦枯願
惟效死之無門殺身何益更欲呼天而自刎倘口乃
窮徒有此心期於異日

到昌化軍謝表

蘇軾

並鬼門而東驚浮瘴海以南遷生無還期死有餘責
伏念臣頃緣際會偶竊寵榮曾無毫髮之能而有貶

山之罪宜三黜而未已跨萬里以獨來恩重命輕咎深責淺此益伏遇皇帝陛下堯文炳煥湯德寬仁赫日月之照臨廓天地之覆育譬之蠕動稍賜矜憐俾就窮途以安餘命而臣孤老無託瘡痍交攻子孫慟哭於江邊已爲死別魍魎逢迎於海上寧許生還念報德之何時悼此心之永已俯伏流涕不知所云

謝南郊恩加封表

汪藻

禮洽中天慶覃外服猥奉十行之詔就加五等之封伏念臣積冒恩私浸踰分願昨投閑於異縣蒙起廢於偏城久客還家方想南飛之鵲通侯授印忽成左顧之龜雖滲漉以維均何遭逢之獨異茲益伏遇皇帝陛下調御萬類藩飾羣工屬宣室之受釐罄寰宇而蒙福臣適臨本部仍昨鄉州宋人泝泝以得封望胡及此漢將銀黃而誇里榮乃過之寵既遠於子孫忠敢移於生死

謝賜御草書趙嘏南亭詩表

王禹偁

絳綃半幅

二字闕

舞鵠之紋宸翰三行雲繞迴鸞之勢

天恩曲被凡目榮觀佩服戰兢神魂飛越伏惟皇帝

陛下書窮八法學洞九流英斷睿謨運元功而多暇
飛文染翰縱草聖以爲娛閒裁浙水之綾爰寫渭南
之句宮中刀尺剪雲霧于赤城筆下風雷走龍蛇于
碧落遍令中使宣賜近臣豈期瑣材亦預宸眷捧持
失次傳玩增輝忻千載之遭逢極一時之榮遇讀盡
三十八字列宿翰光宣來三十六宮天香尚在豈止
藏于篋笥亦將傳付子孫堪笑二王非墨妙筆精之
作如逢伯禹得金簡玉字之書感恩空技于涕洟受
賜更銘于肌骨

謝賜御書孟子表

范端臣

蘊奧之義默契於淵衷昭回之光發輝乎宸翰分頒
有寵拜賜惟寅竊以戰國縱橫衆言散亂乃篤生於
亞聖以丕振於醇風闢楊墨之功不在禹下非堯舜
之道不陳王前著爲一經垂之萬世伏遇皇帝陛下
投戈講藝肆筆成書既深造于七篇復妙臻乎八法
寫之琬琰炳茲丹青鳳翥鸞翔載出河圖之畫金聲
玉振復傳洛誦之文臣猥被鴻私親瞻睿藻樂與諸
生之講習益昭治世之昇平

謝賜御書張九齡千秋金鑑錄故事表

真德秀

節值千秋輒獻芻蕘之論恩頒一札獲瞻奎壁之光
俯拜難勝襲藏有耀伏念臣慚無寸技幸際兩朝昔
瑞慶方臨嘗豫陳永命之戒今天基有屆敬復據曼
壽之言蓋謂錦囊效貢之徒勤不若丹宸獻箴之有
補經惟入侍天語垂褒觀惓惓進說之辭真輟輟愛
君之意既下軒墀之拜甫還蓬藿之居賜雲章一人
幾類邇英之故事上金鏡五卷有懷開元之諍臣不

圖螻蟻之微驟覩龍鸞之妙恭遇陛下性全淵懿學
懋緝熙博攷舊聞審萬古忠邪之判緬懷遺直係一
時治亂之分爰麗宸毫以勵臣節臣猥繇愚拙誤沐
褒嘉百祿是宜敢第述商頌降生之瑞三宗可法願
益遵周書無逸之規

謝賜衣帶表

楊萬里

瀛州方丈驚頭白以初登內帛宮不借腰黃而並受
迺九重之異數非八柄之彝章自天有資踏地而偃
茲益伏遇皇帝陛下典嚴在簡惠篤薦紳軫伸由之

緼袍錫之三服側啟期之帶索束以兼金而臣感恩
不貴圖報無所茂然絲薄多慚疊雪之香藉爾摧頽
第怯萬釘之寶

謝賜對衣金帶馬狀

蘇軾

漢官三服已分密麗之珍唐監八坊復下權奇之駿
拜嘉甚寵省已何功伏念臣受材迂踈賦命寒寒初
師季路止服緼袍長慕少游欲乘下澤目眩重金之
耀神驚四牡之良俛仰自維周章失次此盞伏遇皇
帝陛下憂勤黎庶寤寐雋賢故損廩庫之儲以廣英

雄之穀致茲辱陋亦被寵光臣敢不求稱於衷益更
其後薄德盛服當戒維鵜之篇強力安邦庶幾有駉
之頌

謝賜對衣金帶馬狀

蘇軾

錫之上駟敢忘致遠之勞佩以良金無復忘腰之適
執鞭請事顧影自慙恭惟皇帝陛下禹儉中修堯文
外煥長轡以御率皆四牡之良所寶惟賢豈徒三品
之貴出捐車服收輯事功而臣衰不待年寵常過分
枯羸之質匪伊垂之而帶有餘歛退之心非敢後也

而馬不進徒堅晚節難報深恩

謝賜對衣金帶鞍馬表

張守

討論潤色已懼空殮衣被服乘更蒙蕃錫冒寵章而
增憐超禁路以知榮伏念臣久安龍具之貧居豈識
蟻封之試足羈孤寡援誰憐范叔之寒災禍冥心久
悟塞翁之失竊重金之顯服跨沃轡之名駒病骨支
離睿恩優渥此蓋伏遇皇帝陛下仁而徧物言以知
人駿骨而市千金灼知誠意狐裘之非一腋盡眾
長乃捐在笥之珍曲示解驂之惠臣敢不仰忘藩節
俯効馳驅束帶而使與言儻不愧搢紳之列據鞍而
示可用庶幾逃負乘之譏

謝賜銀合臘藥表

周必大

雲章封璽寶劑實適屬凝嚴頓蘇疲瘵伏念臣甫
從閑散起備蕃宣雖恪守于官箴會未除于民瘼豈
圖宸渥爰舉邦彝詔塗芝檢之黃光于下澤藥按桐
君之籙滋以上池手披出紵之溫心失折綿之稟此
蓋伏遇皇帝陛下慈憐臣庶軫念藩維已施起廢之
功更廣蠲痾之賜恩勤至矣報稱謂何臣謹當因六

尚之珍良察一方之疾苦乃身無疾敢獨享於君仁
所部有瘳期咸霑于聖惠

謝賜銀合臘藥表

周必大

天無私覆外懷五玉之臣帝有恩言中錫萬金之劑
凜乎歲晚倏爾春回伏念臣昨被綸書起司符竹考
湘纍之九辯閱楚戶之三霜多病所須常求藥物十
全爲上未造醫師茲逢漢宮臘飲之時乃冒唐殿銀
醫之澤茲蓋伏遇皇帝陛下道遵皇極治格泰和惟
疾之憂每推父母之愛好生之德更廣乾坤之仁故

當凝沍之辰特有珍良之賜臣敢不勤干服食稱是
恩榮候屬祁寒深察小民之怨居防美疾載思惡石
之生

謝賜柑表

金使闕名

聘禮旣陳祝帝齡於紫闕恩華固異賜僊實於公郵
方厥包未貢之期捧茲德惟馨之賜天香滿袖染湘
水之清寒雲液盈盤挹洞庭之餘潤梓里豈遑於遺
母楓庭切願於獻君感德滋深喻言罔旣

謝致仕表

歐陽修

愚誠懇至曲軫于皇慈寵命優殊特加于常品本期
得謝更此叨榮伏念臣猥以庸近之材早遭休明之
運不通之學既泥古以難施無用之文復虛言而少
實是以三朝被遇四紀服勞蒙德重于邱山論報亡
於毫髮而年齡晚暮疾病尪殘輒希知止于前人不
待及期而後請自陳悃悃屢至瀆煩既久歷于歲時
始曲蒙于開可仍超加于異數非止賜于殘骸道愧
師儒乃忝春官之峻秩身居猷畝而兼書殿之清名
至於頭垂兩鬢之霜毛腰束九環之金帶雖異負薪

之里何殊衣錦之歸使閭巷咨嗟共識聖君之念舊
摛紳感悅皆希後福之有終豈惟愚臣獨受大賜此
蓋伏遇皇帝陛下無私覆物博愛推仁以其風幸遭
逢密契風雲之感會曾經服御不忘簪履之賤微致
此便蕃萃于衰朽雖伏櫪之馬悲鳴難戀于君軒而
曳尾之龜涵養未離于露沼餘生易異鴻造難酬

亳州乞致仕第二表

歐陽修

臣聞神功不宰而萬物得以曲成者惟各從其欲天
鑒孔昭而一言可以感動者在能致其誠敢領虔至

之心再瀆高明之聽伏念臣本以一介之賤叨塵二府之聯知直道以事君每師心而自信然而既乏捐軀之効又無先覺之明用之已過其分而曾不自量毀者不堪其辱而莫知引去幸賴乾坤之再造得逃陷穽之危機仍許被於要權俾退安於晚節今乃苦於衰病莫自支持顧難冒於寵榮始欲收於骸骨敢期聖念過軫天慈謂雖迫于桑榆未忍棄於草莽竊以古今之制沿襲不同並由兩漢而來雖處三公之貴每上還於印綬多自駕於車轅朝去朝廷暮歸田

里一辭高爵遂列編民豈如至治之朝深篤愛賢之意每示隆恩之典以勸知止之人故雖有還政之名而仍享終身之祿固已不類昔時之士無殊居位之榮然則在臣素心雖切退深之志迹臣所乞尚虞僥倖之譏伏望皇帝陛下惻以深仁矜其至懇俾解方州之任遂歸環堵之居固將優游垂盡之年涵泳太平之樂惟辛勤白首迄無一善之稱孤負明時莫報三朝之德此爲慙恨何可勝陳

亳州乞致仕第四表

歐陽修

未忍遽捐幸曲憐於舊物逮茲再黷蓋中迫於危誠
進冒誅夷俯深頌越伏念臣以一介無能之賤荷三
朝特達之知仁宗擢自諸生仲參二府先帝力排羣
議深察孤忠暨逢神聖之興臨竊幸風雲之感會至
於辨正誣枉保全始終雖天地之施無私恩非責報
而犬馬之微自効力不逮心繼之衰疾之纏綿加以
年齡之晚暮寵榮既過小器盈而必顛筋力已疲飛
鳥倦而思止輒露乞身之請願諧解組之歸而皇慈
惻然明詔屢下示廓言容之大度慰安憔悴之餘生

祇服訓辭惟知感涕然而忠信所以事上理無弗踐
之空言進退各有其宜力或不能而當止雖禮著引
年之制必待及時而身有負薪之憂亦容辭仕是敢
再殫悃幅仰冀哀矜伏望皇帝陛下軫堯舜之深仁
推乾坤之曲造憫其確至賜以允俞俾還頽尾之居
遂養漳濱之病再念臣早從壯歲粗學文辭久冒榮
階當豐祿賜尚能遇樵夫而談道宜上德以諭愚民
與故者而揮金均君恩而榮里巷以終晚節永荷鴻
私

乞常州居住表

蘇軾

臣聞聖人之行法也如雷霆之震草木威怒雖甚而歸於欲其生人主之罪人也如父母之譴子孫鞭撻雖嚴而不忍致於死臣漂流弃物枯槁餘生泣血書詞呼天請命願回日月之照一明葵藿之心此言朝聞夕死無憾臣昔者嘗對便殿親聞德音似蒙聖知不在人後而狂狷妄發上負恩私既有司皆以爲可誅雖明主不得而獨赦一從吏議坐廢五年積憂熏心驚齒髮之先變抱恨刻骨傷皮肉之憚存近者蒙

恩量移汝州伏讀訓詞有人材實難弗忍終弃之語豈獨知免於縲紲亦將有望於桑榆但未死亡終見天日豈敢復以遲暮爲嘆更生僥覲之心但以祿廩久空衣食不繼累重道遠不免舟行自離其州風濤驚恐舉家重病一子喪亡今雖已至泗州而費用罄竭去汝尚遠難於陸行無屋可居無田可食二十餘口不知所歸飢寒之憂近在朝夕與其強顏忍恥干求於衆人不若歸命投誠控告於君父臣有薄田在常州宜興縣粗給饘粥欲望聖慈許於常州居住又

恐罪戾至重未可聽從便安輒敘微勞庶蒙恩貸臣
先任徐州日以河水浸城幾至淪陷臣日夜守捍偶
獲安全曾蒙朝廷降勅獎諭又嘗選用沂州百姓程
棐令購捕凶黨致獲謀反妖賊李鐸郭進等一十七
人亦蒙聖恩保明放罪皆臣子之常分無涓埃之可
言冒昧自陳出於窮迫庶幾因緣僥倖功過相除稍
出羈囚得從所便重念臣受性剛褊賦命奇窮既獲
罪于天又無助于下怨尤交積罪惡橫生群言或起
于愛憎孤忠遂陷於疑似中雖無愧不敢自明向非

人主獨賜保全則臣之微生豈有今日伏惟皇帝陛
下聖神天縱文武生知得天下之英才已全三樂躋
斯民於仁壽不弃一夫勃然中興可謂盡善而臣抱
百年之永嘆悼一飽之無時貧病交攻死生莫保雖
鳧雁飛集何足計於江湖而犬馬蓋惟猶有求於君
父敢祈仁聖少賜矜憐

